

Un driverwer

erscheint auf www.lenauheim.de

monatliche
Erscheinung

Juli 2019

von *Helen Alba*

Kerweispruch 2019 Bogarosch

Grieff Gott, Eich liewi Gäscht
zum heiriche Bogaroscher Kerweifescht!
Vor 250 Jahr sin kumm die Ahne ins Banat
dort seßhaft gin, han gschuft, so staat un staat
ufgebaut e Dorf, Bogarosch genennt,
dort wu jeder jeden hat gekennt.

Sie han die Kerch gebaut, e Schul un ihre Hem,
Gemeindehaus, e Post, Vereine ware a gewenn.
Verarweit han die Baure guti, schwarzi Erd,
villi sin zu Wohlstand kumm, han ihre Feld vermehrt.
Anri han des Dorf mit ihrem Handwerk belebt,
es hat an nix gefhelt, jeder war uf was bestrebt.

Ach uf sei Gstudierti is Bogarosch stolz.
Zwar ware die e bissl meh noh nowlem Holz,
doch han se der Gemeinde Ehr gemacht,
han sich´s Keppche angstrengt Tach un Nacht.

Doch schweri Zeite, Tiefschläch sin a kumm,
gar manchi han mit Krankheit, mitm Tod gerung.
Die Krieche han so villi Opfer ghol,
Enteignung un Verschleppung- des war eemol.

So langsam sin se Kummer, Schicksal leedich gin.
Es „uf Deutschland gehn“ is kumm de meischte in de Sinn.
Abkaafe han se sich zuallerersch gelobt,
han Haus un Hof sich selwer iwerloß.

Vor fascht 30 Jahr sin dann die Letschte gang
mit Kischte, Kupfre – e neijes Lewe hat anfang.
Die Handvoll, die Bogarosch jetz die Steib noch halle,
sin alt un krank, doch han se alles wille bhalle.

Mir feire heit 250 Jahr
seider Bogarosch ward gebor.
Mit Trachtephare un dem Rosmarein mit Bänner,
e Kerwei! Ich men, es war vleicht mol schenner.
Doch sin mer stolz de Ahnebrauch neij zu belewe
un wille all e Glas hoch hewe!

Wer ersteigert heit de scheene Strauß?
Un holt ne mit zu sich nach Haus?
Traat e Stickl Heimat hem,
wie des in Bogarosch mol gewenn!

Buwe, Männer! Loßt eich nit lumpe heit!
Uf de Vorstrauß sich doch jedes Mädgl gfreit!
Es is e Stolz un ach e Ehr zugleich, drum los!
git eirem Geldbeidl mol e Stoß!

Wann mer so schaut, wie die Seniore pichte,
wie sich in Erinnerung ihre Gsichter lichte,
kummts nit druf an beim Letzetiere!
Na hallo, loßt eich doch nit lang flettiere!

Ich weeiß, ihr hat doch Eiro gspart
un die heit mitgebrung, zum Letzetiere parat!
Drum trottelt nit do rum, schlaat zu,
die Mädle wille tanze, sin schun aus der Ruh!

Kurasch ihr Männer! Breicht der vleicht e Wein?
De Kerweinarr schenkt de gleich ein.
Dann were Zunge locker un die Eiro hupse
leichter ausm Sack! Ich gsiehn eich stubse.
Mei Rederei war nit umsunscht un des bedeit:
Jeder sich ufs Zuschlaan gfreit!

Zum erschti Mol, zum zweiti un zum dritti Mol!
Ei Vortänzer, steh nit wie e Phol!
Gib deim Mädgl jetz e Bussl un de Strauß!
Doch die Kerwei is noch längscht nit aus!
Jetz kummt Tanz un ach Juchee,
weil beim Tanze keem die Fieß tun weh!